



ACTUALIZACIÓN DO PROCEDEMENTO DE ACTUACIÓN NA XESTIÓN DA INCAPACIDADE TEMPORAL FRONTE Á EXPOSICIÓN AO COVID-19 EN GALICIA.

I.-XESTIÓN DE PROCESOS DE INCAPACIDADE TEMPORAL OCASIONADOS POLA COVID-19.-

A situación actual da pandemia ocasionada pola Covid-19 fai preciso unha xestión máis áxil dos procesos de incapacidade temporal a fin de diminuír a carga asistencial de Atención Primaria.

Por iso, habilitase o aplicativo de xestión de incapacidade temporal do Portal de Inspección e control de Saúde Laboral (XesIT), a fin de que os médicos de Atención Primaria poidan rexistrar o mesmo día a baixa e a alta dun proceso Covid.

Para o seguimento asistencial dos procesos actuarase de acordo coa "Actualización na detección e manexo de casos de infección activa polo virus SRAS-CoV-2 en atención primaria e na abordaxe dos contactos estreitos", vixente no seu momento.

Emisión de partes de alta en procesos Covid-19.-

De acordo có establecido no RD 625/2014, do 18 de xullo, polo que se regulan determinados aspectos da xestión e control dos procesos por incapacidade temporal nos primeiros trescentos sesenta e cinco días de duración, actualmente vixente, en principio os procesos ocasionados polo Covid-19 enmárcanse dentro do tramo de procesos de curta duración (**CD**), é dicir, procesos cunha duración entre 5-30 días.

Naqueles procesos ocasionados polo Covid-19 nos que ao emitir o parte de baixa o facultativo de Atención Primaria estime que o proceso ten unha duración de 7 días, o programa avisaralle de que existe a posibilidade de emitir o parte de alta cunha data futura.

Esta alta emitírase nun documento independente do documento do parte de baixa.

No caso de que o médico de Atención Primaria decida emitir o parte de alta de data futura debe informar ao paciente que, se o seu estado de saúde non permite a súa reincorporación laboral deberá comunicalo antes da data do alta, non só para o seguimento do seu proceso asistencial, senón tamén, para valorar a continuidade da emisión de partes de confirmación.

De ser o caso, o médico poderá anular o alta e emitir o primeiro parte de confirmación.

No caso de que xa fora efectiva o alta, será a Inspección de Servizos Sanitarios a que anule o dito parte, unha vez revisado o proceso.

Estas altas terán validez da data da alta e non na data na que o médico asine o documento. Por iso, non se facilitarán por ningún medio ao paciente antes da data do alta efectiva.

Os partes estarán dispoñibles en e-saúde durante 7 días desde a data do alta.

Calquera dúbida pódese consultar na Unidade de Inspección e Control da Saúde Laboral da Inspección de Servizos Sanitarios correspondente.

Santiago de Compostela

A subdirectora xeral de Inspección de Servizos Sanitarios

Elia Rodriguez Costa

ESTE PROCEDEMENTO DE ACTUACIÓN ESTÁ SUXEITO A UNHA CONTINUA ACTUALIZACIÓN

CONSELLERÍA DE SANIDADE
Secretaría Xeral Técnica
Subdirección Xeral de Inspección de Servizos Sanitarios
Edificio Administrativo de San Lázaro
15703 - Santiago de Compostela
Tel. 881 542 702
inspeccion.sccc@sergas.gal

